

Bidîtina min, tu civak û netew mîna me Êzdî-kurdan peyeyva Xwedê di nav zargotina xwe de bikarnayne !

Gelek xwandevevanên birêz jî dizanin ku, min di gotara xwe ya bi navê **BAWERIYA ÊZÎDIYA YE BI XWEDÊ(*1)** de jî daye xwanê kirin û vêga hêjî di ilmê me Êzdiyan de tê gotin, Xweda yê me hemû giyanderên li seran serê cîhanê yeke. Hemû civak, ol û netewên ku li ser ruyê vê dinya yê hene, li gorî çande û baweriya xwe hebûna Xwedê nasdikin û her yekê jî bi zarave anjî zimanê xwe ji Xwedê ra dibêje najî gotine : *Hurmuz, Aton, Marduk, Şamaş, Bal, El, Hadad, Xuda, Padişa, Xwedî, Rab, Temuz, Dumuzî, Adonis, Yezdan, Yazad, Xaliq, Tanrı, Allah, Gott, Xwudah, Xwedê û whd.**

Lê ez bawer nakim ku, tu civak anjî netew bêkaribe mîna bawerî û çanda me Êzdî(Kurd-Ezdahî) an peyeyva Xwedê di nav zargotina xwe de bikarbînen.

Ji bona mînakan, ezê niha dîsa li goriya derfetên kesayetiya xwe hinek hevok(cûmley)ên ku peyeyva Xwedê têde tînan anjî hatine bikaranîn ji we rêzdarana ra birêzbikim.

Belê, ji bo fahmkirin û xwandinê divê hûn jî di dewsa nuxtan(...) de piro(şûn)navêkî bikarbînin. Her weha her kes li goriya bikaranîna xwe, divê di dawiya hevokê de jî nîşana rêzgirtin(!), ferman, pirsê ûhwd. deyne.

Mînak:ji Xwedê ne ditirsiya ... = **Ez ji Xwedê ne ditirsiya ma !**

... ji Xwedê ne tirsîya ...
.. bexê Xwedê ye
... bela xwe ji Xwedê bîvînî
... bi wî Xweda yê bêşîrîk kim
... ji Xwedayê dilovan dixwazim
... xwe ji Xwedayê xwe naki..
... Xwedê ditirsîm
.... bi qedrê Xwedê bik...
...ê çewa here huzûra Xwedê
Baweriya bi Xwedê hebe
Bê qeweta Xwedê
Bêy hukumê Xwedê pel jî li ser darê naheje
Bi destûra Xwedê
Bi helaliya Xwedê
Bi îzna Xwedê
Bi navê Xwedê
Bi navê Xwedê sûnd bixwi..
Bi saya Xwedê
Bi xatirê Xwedê k..
Bi Xwedê
Bide xatirê Xwedê
Bidin xatirê navê Xwedê
Bila nura Xwedê li ser ----be
Bila Xwedê rahma xwe bavêje dilê
Dahin û standina Xwedê xweşe
Derewîn dijminê Xwedê ne
Destê xwe ji Xwedê nekin
Dewlet serê Xwedê û serê
Di rêya Xwedê de b....
Dilovaniya Xwedê
Dinya ji pêxemberên Xwedê re nema ye
Divê Xwedê li hev bîne
Dîwana Xwedê
Dua bo Xwedê
Eger Xwedê yar be, bela şûr dar be
Emî kêmin Xwedê yî temame
Emrê Xwedê xweş e

Emrê Xwedê ye
Evdê-a Xwedê
Ez Rastiya Xwedê me
Êzdî bi Xwedê ra bi kurdî dipeyiven
Êzdî jî navekî Xwedê ye
Êzdî Xwedê pererestî
Fermanê Xwedê
Gazî Xwedê bi.....
Gazîna ji Xwedê nek...
Gaziya xwe bigîne Xwedê
Hawara Xwedê
Hebandina Xwedê
Heq navê Xwedê ye
Her ji Xwedê û çiqas xasên Xwedê hene bawer bikin
Her tenê Xwedê heye
Her tim Xwedê li bîra xwe bînin
Her tişt ji Xwedê ve eyan e
Her Xwedê tenê zane
Hey Xwedê hîşt
Hey Xwedê kuşt
Hey Xwedê malik avakir..
Hey Xwedê malik xeravkir....
Heyiya Xwedê
Hezar û yek navên Xwedê hene
Ji bo meznaya Xwedê
Ji bo navê Xwedê
Ji evda tê veşartin, lê ji Xwedê nayê veşartin
Ji vir û heta ba mala Xwedê
jî Xwedê dilovan hêvî dikim
Ji Xwedê natirs...
Ji Xwedê teala bitirs..
Kî bo Xwedê be, Xwedê jî bo wan e
Kîjan xêr be bila Xwedê wê bike
Ku Xwedê bejê erê
Kula Xwedê bikeve nav mala paşveruya
Li jor Xwedê heye

Li rêya Xwedê nebin xerfê
Mala Xwedê ava ,
Meriv gereke ya Xwedê bêje
Mêvan mêvanên Xwedê ne
Milyaket ferwara Xwedê bi l ch tînin
Milyaket ji nûra Xwedê hatine efrandin
Miradê xwe ji Xwedê bixwaze
Muhbeta Xwedê gelekî şîrîn e
Na bi Xwedê ez
Nûra Xwedê li we bibar e
Pepûka Xwedê
Pesnê Xwedê bidin
Qencî û xiravî herdû jî ji dergê Xwedê ten
Qenciya Xwedê înkâr neke
Qewlê Xwedê
Qîrar qîrara Xwedê ye
Rahma Xwedê li dê û bavê be
Rastî mala Xwedê ye
Rebenê Xwedê
Rebenê Xwedê
Rizqê li Xwedê ye
Roj nûra Xwedê ye
Roja Xwedê dayîna ... pîroz be
Rojên Xwedê gelekî
Şikir ji Xwedê ra
Şikir ji Xwedê re em Êzdî ne
Şikriya xwe ji Xwedê bike
Silava Xwedê li ... be
Standina Xwedê ye
Stara Xwedê li ser be
Tawisî-Melek emînê Xwedê ye
Teslîmî Xwedê dib.....
Tîra Xwedê lê ket.....
Tiştê Xwedê kiriye betal nabe
Topa Xwedê li keve
Tû bi xatirê Xwedê kî
Tu evdî Xwedê nedîtîye
Tu kes nikare ji qîrara Xwedê bireve
Wê Xwedê çêke
Weleh navê Xwedê ye
Wey Xwedê ruhê bistîne
Wey Xwedê yo
Xas û Qelenderên bo Xwedê
Xasên Xwedê gelekî
Xêra Xwedê li be
Xezeva Xwedê li Be
Xweda dizane
Xweda yê xwe nasnakin
Xwedayê dilovan
Xwedê Xwedanê şev û rojê ye
Xwedê ... bê aqilê Neke
Xwedê ... rûsipî bike
Xwedê bihêle
Xwedê biparêze
Xwedê bistrîne
Xwedê şaş neke
Xwedê xweyîke
Xwedê bê şîrîk û heval e
Xwedê bela xwe bide

Xwedê bext bide
Xwedê bi re ye
Xwedê bi oxira ra be
Xwedê bi tenê dikare
Xwedê bihebînî
Xwedê bike tu gelekî sax bî
Xwedê bike tu hazar salî bî
Xwedê birayê bihêle
Xwedê çavên xweyîke
Xwedê çêtir dizane
Xwedê cîhan sêwirand
Xwedê da û stand
Xwedê daye te
Xwedê deriyekî digre, hezarî vedike
Xwedê emrê dirêj bike
Xwedê emrê dirêj neke
Xwedê heqê ji nehêle
Xwedê hezkirina me zêde bike
Xwedê hîştê
Xwedê hîştê
Xwedê hurmetê bide ...
Xwedê îmanê bide
Xwedê îmanê ji bistîne
Xwedê îşê rast bike
Xwedê ji ... razî be
Xwedê ji ... standiye
Xwedê ji na tirse
Xwedê ji xweşbe
Xwedê ji kesî nestî ne
Xwedê ji neheqan ra ne hêle
Xwedê kerem e
Xwedê kurekî bide ...
Xwedê li ... bixe
Xwedê li şefa bike
Xwedê li were rahmê
Xwedê li bîra xwe bîne..
Xwedê li heftêûdû mileta bêye rahme û me jî
Xwedê li hev anî
Xwedê li hev ne anî
Xwedê li piştta Ye
Xwedê li raserî ...ye
Xwedê mala ... xirab nekiro
Xwedê mala ava bike
Xwedê mala bavê ava bike
Xwedê mala bavê xira bike
Xwedê mala nezana xira ke
Xwedê merazê... bike
Xwedê meriv ji bela û teşqelan bistirîne
Xwedê mezin e
Xwedê miradê bike
Xwedê mizgîna xêrê bide
Xwedê mizgîniyê bide
Xwedê nasîna me Êzdiyan ji qedîm heta îro heye
Xwedê ne hîştê
Xwedê ne hîştê
Xwedê ne nas...
Xwedê neke gidî
Xwedê nekî
Xwedê nur e

Xwedê pesnê xwe na de
Xwedê qahra xwe li bike
Xwedê qebûl nake
Xwedê qebûl neke
Xwedê rehetiyê bide e
Xwedê rehma xwe li bike
Xwedê roja ... reşke
Xwedê ruha dide û distîne
Xwedê rûyê spî bike
Xwedê şade ye
Xwedê şade ye
Xwedê serê ... nexîne belayê
Xwedê şikriyê bi de
Xwedê temenê dirêj bike
Xwedê tenê pê dizane
Xwedê tû bidî xatirê navê xwe
Xwedê tu derdan nede
Xwedê tu êşê nede
Xwedê tu ruhê bistîni
Xwedê warê korbike
Xwedê weke dilê bike
Xwedê xêra binivsîne

Xwedê xêra qebûlbike
Xwedê xêrabike
Xwedê xêrê bide
Xwedê xêrke
Xwedê xirab bike destengiya dinya yê
Xwedê xizmeta qebul bike
Xwedê xweda ye!
Xwedê xwedanê ins û cins e
Xwedê xwediyên xêran bê par nahêle
Xwedê yek e
Xwedê yeke û li seranserî hemû xwedana ye
Xwedê yekî cebar e
Xwedê zanî be
Xwedê zarokên bihêle
Xwedê zêde bike
Xwedêo
Xwezla xêra mala Xwedê ra
Ya Xwedê
Ya Xwedê bêjin
Ya Xwedê her tû yî û her tû yê hey û her dê hebî
Ya Xwedê riya te rastî ye
Ya Xwedê tû derê xêra veke, derê era wergerîn

Bi dîtina min, di van hevokan de jî xwanê dibe ku olperestiya me ya xwezayî û dilpaqij qet cûdetiyê naxe nava tu civak, nijad û olnên li ser ruyê cîhanê hene û li ser vê bingehe ye vêga hêjî di sebeqeyeke qewl me de tê gotin ku,

**„Siltan Êzî bi xwe Pedşa ye,
Hezar û yek nav li xwe dana ye,
Navê mezin her Xweda ye”(*2)**

Êdî, ez hew dizanim ka ev peyeyva Xwedê hê di kuderin din de û bi kîjan rengî tê bikaranîn.

Hêvîdarim ku qewlbêj, koçek, micêwir, bav, kal, ilîmdar, rewşenbîr, zane, berpirsyarên tv, rojnaman, kovaran, dezgeh, înstîtut, malper û rêxistinên Kurdî/Êzdiyatîyê jî bikaribin yên li cem xwe hene jî bi ser vê xizna ferhenga Kurdî ve zêdebikin. Em tevde hêjî gelekî zahmet bidine xwe van sedemên nakokî, kêmasî, nezanî, belangazî û pirsgerêkên ku di nava civak û olên Kurdî de hene, ji me hemwelatî û niştîmanperwerên Kurdistanê ra zelal bikin. Her weha her yekê ji me li goriya derfetên xwe ji van kêmasiyên ku xwefiroş û dagirkerên Kurdistanê bi hemd û bi zilma asîmlekirna xwe, xistine nav civak, çande, perwerde, raman, nêrîn û bawriya me Kurdan re xwedî derkevin.

Kemal Tolan
16.04.10

Çavkanî :

*1 Kemal Tolan - <http://www.pen-kurd.org/kurdi/kemal-tolan/baweriya-ezdiyan-bi-xweda.html>

*2 Kemal Tolan -Nasandina Kevneşopên Êzdiyatîyê, Weşanên Perî- Çileyêpêşîn 2006 Stenbol, rûpel :15-38.